



UNIVERSITÄTS-  
BIBLIOTHEK  
PADERBORN

## **M. Ant. Mvreti Variarvm Lectionvm Libri XV**

**Muret, Marc-Antoine**

**Antverpiæ, M. D. LXXXVI.**

Cap. 11. Suetonij in Galba vnus, & alter in Otthone emendatus & illustratus locus.

---

[urn:nbn:de:hbz:466:1-70864](https://nbn-resolving.org/urn:nbn:de:hbz:466:1-70864)



medijs. Puto igitur in vetere Atellana vel seruum vel  
 liberum dispensatorem fuisse, qui, quod frugi & par-  
 tis, & dominis vtilis foret, ex re Onesimus vocare-  
 tur. Seruile autem illud nomen esse, etiam è S. Pauli  
 scriptis notum est. Eum igitur conferui cum in Atel-  
 lana fabula viderent redeuntem è villa, intelligerent-  
 que parcius sibi iam edendum ac bibendum fore, quod  
 Onesimus durè contentè que habiturus esset, ceci-  
 decant, *Veni Onesimus à villa:* & addiderat, opinor, alia  
 ad parsimoniam & seueritatem ipsius exagitan-  
 tum pertinerent. Eadem igitur illa cum in Galbam,  
 qui nuper venerat, præclare conuenire videretur, po-  
 tuit iocans crebrò iterasse dicitur. Planè autem in  
 multis libris legitur *Venitonesimus*, quod testati sunt  
 & minimo negotio mendum tolli potuerit. Sed  
 ut sit, vt etiam perspicacissimos ea quæ sunt ante  
 oculos posita, fugiant. Fuit autem ipsi Suetonio pater  
 fortissimus, & spectata virtutis: cuius nomen cum  
 in filij libris decurtatum ac deprauatum legatur, resti-  
 tuere, operæ fuerit. Sic ergo legimus in Otthone: *In-*  
*ueni huic bello pater meus Suetonius Lenus, teri edecima*  
*legionis tribunus angusticlauius.* Ita vulgò. At vidi ego li-  
 brum qui carie & tineas senserat, in quo post nomen  
 Suetonius foramen erat exiguum: deinde sequebatur li-  
 nus & supra alia manu emendatum *lenus*: Omnino au-  
 tem legendum est *Paullinus*. id enim ei verum cogno-  
 men fuit. Testem in eam rem laudabo Tacitum, qui  
 fortis viri neque nomen, neque virtutem tacitam esse  
 laudat. Eius enim & sæpè in annalibus & in Agricola  
 perhonorificam mentionem facit.

Aristo-